

PRAVILA NAGRADNE IGRE TELEMACH-A

Aktiviraj e-račun i osvoji super nagrade!

telemach

1. Organizator

Organizator nagradne igre „Telemach nagradna igra - Aktiviraj e-račun i osvoji super nagrade“ je Telemach BH d.o.o., ID 4200209890007, Džemala Bijedića 216, 71 000 Sarajevo, u nastavku Organizator. Nagradna igra se priređuje s ciljem promovisanja usluge elektronskog računa organizatora.

2. Trajanje nagradne igre

Nagradna igra će se održati u periodu od 20.10.2023. do 15.12.2023. godine. Pravila nagradne igre će biti objavljena u četvrtak 19.10.2023. godine u dnevnim novinama i na web stranici www.telemach.ba. Izvlačenje dobitnika će biti 18.12.2023. u prostorijama Organizatora u 14:00h a ispravnost će nadzirati tročlana komisija.

3. Pravo na učestvovanje

Nagradna igra je namijenjena fizičkim licima, postojećim i novim korisnicima Organizatora i njegovih povezanih društava (KATV HS, HKB-NET i M&H Company) sa prebivalištem u Bosni i Hercegovini, na području Federacije BiH (18+ godina). Pravo na učestvovanje u nagradnoj igri stiču automatski korisnici Organizatora Telemach BH i njegovih povezanih društava (KATV HS, HKB-NET i M&H Company) koji su u aktivnom ugovornom pretplatničkom odnosu sa Organizatorom i koji su već aktivirali ili aktiviraju e-račun u periodu od 20.10. do 15.12.2023. godine putem portala mojtelemach.ba, pozivom korisničkoj podršci ili na Telemach prodajnim mjestima. U takmičenju ne mogu učestvovati zaposleni kod Organizatora i njegovih povezanih društava (KATV HS, HKB-NET i M&H Company) sa svojom užom porodicom.

4. Način učestvovanja

Korisnici koji ispunjavaju uslove za učešće u nagradnoj igri navedene u Članu 3. ovih pravila nemaju obavezu bilo kakve prijave za učešće u nagradnoj igri, osim da aktiviraju e-račun putem portala mojtelemach.ba, pozivom korisničkoj podršci ili na Telemach prodajnim mjestima. Učesnici, a samim tim i dobitnik nagrade, može biti isključivo lice koje je u aktivnom ugovornom odnosu sa Organizatorom i njegovih povezanih društava (KATV HS, HKB-NET i M&H Company), i ispunjava uslove iz Člana 3 ovih pravila, te shodno tome ne postoji mogućnost učestvovanja u ime i za račun drugog. Jedan učesnik nagradne igre može imati samo jedan aktivan ugovor za učestvovanje u nagradnoj igri.

5. Nagrada

Nagradni/dobitni fond se sastoji od sljedećih nagrada. Glavna nagrada: 1X Dron Mini 3 Fly More Combo Set = 1.699,20 KM. Utješne nagrade: 1X GO PRO akciona kamera Hero 12 = 979, 20 KM 1X JBL prenosivi zvučnik PULSE 5 BLACK = 720,72 KM. Ukupna vrijednost nagrada koje se dodjeljuju je 3399, 12 KM (s uračunatim PDV-om). Organizator je odgovoran za sve poreze, naknade ili dažbine u vezi s nagradom. Nagrada se ne može zamijeniti za gotovinu, prenijeti na drugo lice niti refundirati. Prihvatanjem uslova za učešće u nagradnom takmičenju, korisnik se obavezuje da će poštovati sva pravila nagradne igre ovdje navedena, kao i pravila u obrascu o prihvatanju nagrade i obrascu općeg odobrenja.

6. Izvlačenje dobitnika nagrada

Učesnici koji ispunjavaju pravila nagradne igre bliže opisane u Članu 3. bit će uvršteni u bazu podataka. Nagrade će se izvlačiti iz baze učesnika koji zadovoljavaju uslove za učešće u nagradnoj igri putem slučajnog kompjuterskog odabira, na osnovu zadanog programa. Izvlačenje dobitnika glavne nagrade bit će održano dana 18.12.2023. godine (učestvuju lica koja ispunjavaju uslove učestvovanja bliže opisane u Članu 3) u službenim prostorijama kompanije „Telemach BH“ d.o.o. (Džemala Bijedića 216, 71210 Ilidža), u 14:00h, pod nadzorom tročlane komisije koju će imenovati Telemach BH. Komisija će pratiti regularnost izvlačenja dobitnika i provjeru tačnosti podataka. Komisija će voditi zapisnik, koji potpisuju svi članovi komisije. Bit će izvučena ukupno 3 dobitnika, 1 dobitnik glavne nagrade i 2 dobitnika, utješnih nagrada, te po tri alternativna dobitnika u slučaju da prethodni dobitnici nemaju pravo na učešće: Jedno lice ne može biti dobitnik utješne nagrade više od jednog puta. Jedno lice ne može biti dobitnik glavne nagrade više od jednog puta. Dobitnik utješne nagrade ne može biti dobitnik glavne nagrade. Nagrada će biti uručena samo ako dobitnik ima pravo da učestvuje, ispunjava uslove za učestvovanje i ako u potpunosti prihvata ova Pravila. Ako izvučeni dobitnik nema pravo na učešće, onda se obavještavaju alternativni dobitnici redom.

7. Rezultati takmičenja i preuzimanje nagrada

Objavljivanje dobitnika nagrade bit će objavljeno na internet stranici www.telemach.ba i u dnevnoj štampi najkasnije u roku od 8 dana od dana izvlačenja dobitnika nagrada. Organizator će dobitnika obavijestiti telefonskim putem na broj dostupan u bazi u roku od 8 dana, i od istog zatražiti lične podatke (ime, prezime i adresu za isporuku nagrade). Dobitnik je u obavezi da se u roku od 30 dana od objavljivanja javi Telemach-u i prihvati nagradu. U slučaju da dobitnik u navedenom periodu (30 dana) ne obavijesti Telemach o prihvatanju nagrade, dobitnik gubi pravo na dobijenu nagradu. Pri preuzimanju nagrada, dobitnik je dužan da priloži važeći lični dokument i informacije potrebne da bi se mogla primijeniti Pravila ove nagradne igre, kao i odgovarajući zakoni. Dobitnik je saglasan da se njegovo ime i prezime objavi na internet stranici www.telemach.ba i u dnevnoj štampi. Organizator će dostaviti nagrade dobitniku putem pošte ili kurirske službe na adresu koju dobitnik bude naznačio, a koja se isključivo nalazi u Bosni i Hercegovini i to najkasnije do 15.01.2024. godine. Prilikom preuzimanja nagrade, dobitnik nagrade je dužan da potpiše pristanak za prihvatanje i preuzimanje nagrade, čime prestaju sve dalje obaveze Organizatora nagradne igre prema dobitniku, a sve u skladu sa propisima. Osvojena nagrada nije prenosiva i dobitnik kod Organizatora je ne može zamijeniti za novčanu protivvrijednost niti za bilo koju drugu nagradu.

8. Zaštita ličnih podataka

Organizator može koristiti podatke učesnika u svrhu objave dobitnika nagrade, i da isti mogu biti korišteni samo u marketinške svrhe priređivanja nagradne igre. Organizator će koristiti podatke učesnika prema standardima koje propisuje zakon o čuvanju ličnih podataka (ime i prezime, kontakt telefon, adresu, grad) Organizator neće otkriti ili ustupiti lične podatke trećim osobama. Organizator će lične podatke učesnika čuvati onoliko vremena koliko je potrebno za potpunu provedbu ove nagradne igre. Dobitnik nagrade u nagradnoj igri izričito je saglasan da Organizator može koristiti njegovo ime i adresu u primopredaji nagrade u člancima i reportažama bez ikakvih nadoknada, u svrhu javnog obavještenja o rezultatima nagradne igre.

9. Otkazivanje nagradne igre

Organizator ima pravo da, uz prethodno pribavljenu saglasnost Ministarstva finansija/financija FBiH, jednostrano otkáže nagradnu igru u bilo kojoj fazi, uz obavještenje, ukoliko bi došlo do povrede ili teške zloupotrebe Pravila ili događaja koji imaju karakter više sile. Ukoliko nastane neka od navedenih okolnosti, izvlačenje i distribucija nagrade bit će odmah obustavljena jednostranom odlukom Organizatora, nezavisno od potrebe za njenim eventualnim objavljivanjem. U tom slučaju neće se nadoknaditi troškovi, direktna ili indirektna šteta učesnicima u nagradnoj igri, niti će se nagradna igra održati. Nagradna igra se može prekinuti prema odluci Organizatora, Telemach BH, u slučaju više sile, povrede Pravila nagradne igre, te teške zloupotrebe Pravila nagradne igre. Organizator ne snosi nikakvu odgovornost u slučaju prekida nagradne igre iz navedenih razloga.

10. Prihvatanje pravila

Samim učešćem u ovoj nagradnoj igri učesnici prihvataju prava i obaveze iz ovih Pravila. Odluke Organizatora donesene ovim Pravilima nagradne igre konačne su i obavezujuće za sve učesnike. Organizator zadržava pravo promjene ovih Pravila u bilo kojem trenutku, uz prethodno pribavljenu saglasnost Ministarstva finansija/financija, ali o tome će svi učesnici biti obavješteni na internet stranici Organizatora. Organizator nije odgovoran za posljedice koje mogu nastati prilikom korištenja nagrade. Na ova Pravila nagradne igre data je saglasnost Ministarstva finansija/financija FBiH broj: UP-05-12-1-1099/23 od 17.10.2023. godine

11. Tumač pravila

Glavni tumač ovog pravilnika je Organizator. U slučaju eventualnih sporova utvrđuje se nadležnost Općinskog suda u Sarajevu.